

【了因佛性】（科註第849頁倒數第6行第387集2012年6月20日）

○三因佛性

《三藏法數》：「出金光明經玄義」

梵語佛陀，華言覺。覺即三智圓明，遍一切處，無不照了，名大圓覺；性，即不改之義。以大覺性不增不減，非變非遷，一切眾生，無不具此三因佛性，此因若顯，即成三德妙果也。（三智者，一切智、道種智、一切種智也。三德者，法身德、般若德、解脫德也。）

一、正因佛性：正謂中正，謂中必雙照，三諦具足，名正因佛性。（中正者，離於邊邪也。雙照者，照空照假也。空謂蕩一切相，即是真諦；假謂立一切法，即是俗諦。非空非假，即是中諦。故云三諦具足。）

二、了因佛性：了謂照了。謂由前正因，發此照了之智，智與理相應，故名了因佛性。

三、緣因佛性：緣即緣助，謂一切功德善根，資助了因，開發正因之性，故名緣因佛性。